

Federalni rudarsko, termno i elektro-energetski inspektorat

Broj: 01-04-13-02868/2023-16-2

Datum, 19.5.2023. godine

Bosna i Hercegovina
Federacija Bosne i Hercegovine
Unsko-sanski kanton
OPĆINA SANSKI MOST
OPĆINSKO VIJEĆE
Titova 3
79260 Sanski Most

- G-dža. Edisa Hodžić, Sekretar Općinskog vijeća
- Gosp. Nijaz Halilović, Općinski vijećnik

Predmet: Odgovor na pitanje koje je uputio vijećnik gosp. Nijaz Halilović

Poštovani,

U vezi vijećničkog pitanja :

1. Da li firma "Lager" iz Posušja koja vrši eksploataciju uglja u općini Sanski Most izvodi radove u skladu sa projektnom dokumentacijom ?

" koje je podnio gosp. Nijaz Halilović na 24. sjednici Općinskog vijeća Sanski Most, održanoj 04.05.2023.godine, upućenu Federalnom rudarskom inspektoratu koji je u sastavu Federalne uprave za inspeksijske poslove dajemo Vam sljedeći

Odgovor:

Uvaženi vijećniče,

Federalni rudarski inspektori vrše kontrolu postupanja subjekta nadzora po odredbama Zakona o rudarstvu Federacije BiH, Zakona o inspekcijama Federacije BiH i drugih pozitivnih propisa koji uređuju oblast rudarstva .


1. U 2023.godini do dana pisanja odgovora, izvršena su dva inspeksijska nadzora iz oblasti rudarstva u vezi rada privrednog društva Lager d.o.o. Posušje na području općine Sanski Most.
 - 1.1. U oba izvršena nadzora konstatovano da firma Lager d.o.o. Posušje posjeduje od nadležnih organa dozvole za rad, između ostalog:
 - ugovor o koncesiji (izdat od Ministarstva privrede USK),
 - vodnu dozvolu (izdata od Agencije za vodno područje rijeke Save),
 - okolinsku dozvolu i zaključak o obnovljenoj okolinskoj dozvoli (izdata od Federalnog ministarstva okoliša i turizma),
 - pravo za eksploataciju mineralne sirovine (izdato od Federalnog ministarstva energije, rudarstva i industrije),

- dozvolu za izvođenje radova po rudarskom projektu eksploatacije mrkog uglja na površinskom kopu „Zlauše-Martin-Majdankići“ Gornji Kamengrad-Sanski Most (izdato od Federalnog ministarstva energije, rudarstva i industrije),
 - dozvolu za izvođenje radova po rudarskom projektu usitnjavanja i klasiranja rovnog uglja (izdato od Federalnog ministarstva energije, rudarstva i industrije),
 - dozvolu za uređenje korita rijeke Blihe, u dužini L=322,88m (dozvola izdata Općina Sanski Most).
- 1.2. Na osnovu izvršenog nadzora u Januaru 2023.godine radovi izvođeni na PK Zlauše i PK Martin, poduzete su korektivne mjere te doneseno je Rješenje sa 7 upravnih mjera, a koje se odnose na rudarska mjerenja, rekultivacije okopanih prostora, eksploatacije na rješanim imovinsko-pravnim odnosima, naknade štete na parcelama na kojima se načini šteta pri izvođenju radova, održavanje oštećenog puta prema selu Gorice, unapređenja mjera zaštite na radu te detaljnu evidenciju i procedure za radnike i posjetioce koji ulaze u zonu rudarskih objekata i radova na lokalitetu eksploatacionog polja u Sanskom Mostu,
- 1.3. Na osnovu izvršenog nadzora u Aprilu 2023.godine radovi izvođeni na PK Martin, poduzete su korektivne mjere te doneseno je Rješenje sa 3 upravne mjera, a koje se odnose na poduzimanje dodatnih mjera zaštite pri izvođenju rudarskih radova miniranjem.
2. Takođe, obavješteni smo od strane ovlaštenih predstavnika firme Lager d.o.o. Posušje, da je usljed vremenskih neprilika i velikih količina kiše na području općine Sanski Most u mjesecu Maju 2023.godine došlo do izlivanja rijeke Blihe iz svog korita, te plavljenja Centralnog i Istočnog djela površinskog kopa Zlauše.
3. Iz svega navedenog, prema činjenicama iz tačke 1 i 2 ovog odgovora može se zaključiti da firma Lager d.o.o. Posušje:
- posjeduje dozvole za rad od nadležnih organa,
 - prilikom izvođenja rudarskih radova ima obavezu otkloniti nedostatke izdate po Rješenju Federalnih rudarskih inspektora u cilju potpune usklađenosti sa odredbama zakona i pozitivnim propisima,
 - za poplavu koja je nastala usljed vremenskih neprilika i velikih količina kiše na području općine Sanski Most, a zahvatila je i rudarski objekat u ovoj firmi nije obradila projektnom dokumentacijom i imat će obavezu izraditi planove i projekte sanacije i dovođenje objekta u projektovano stanje.

S poštovanjem.

Akt sačinio:

Glavni federalni rudarsko, termo i elektro-energetski inspektor:


Dr. sci. Ferid Osmanović

Dostavljeno:

- 1 x Naslovu-Sekretar
Općinskog vijeća Sanski Most
- 1 x Naslovu-Općinski vijećnik
Nijaz Halilović
- ① x Evidencija
- 1 x Arhiva



Direktor


Mr. Anis Ajdinović